



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1721. usque ad annum 1724

Fleury, Claude

August. Vind. [u.a.], 1783

VD18 90119304

§. 47. Comitia Sacerdotum Missionis S. Lazari.

[urn:nbn:de:hbz:466:1-67596](https://nbn-resolving.org/urn:nbn:de:hbz:466:1-67596)

Sæc. XVIII.
A. C. 1724.

§. XLVII.

*Comitia Sacerdotum Missionis
S. Lazari.*

*Dorsan. l. c.
pag. 215.*

Cum celebrandis Generalibus comitiis destinatum tempus hoc anno appropinquaret, Bonnetus supremus Prepositus Congregationis Sacerdotum Missionum ad Parisiensem Prioratum S. Lazari Italos, Polonos ceterosque hujus Instituti Sacerdotes convocare, ac demum obtinere constituit, ut in his comitiis Constitutio *Unigenitus* pure & simpliciter ab omnibus reciperetur. Eo sine per Foro-Juliensem Episcopum Mense Februario a Rege diploma obtinuit, vi cujus insinuatum, ne Provinciæ ad hæc comitia deputarent alios, nisi qui præfatam Constitutionem acceptassent, & formulæ subscripissent. Has Regis literas Generalis Masseio Apostolico in Galliis Nuntio ostendit, cumque hic ipsius Zelum approbaret, mox ad plures Congregationis Sacerdotes literas dedit, quibus eos ad acceptandam Constitutionem hortabatur: Eius consiliis obstare videbantur Philopaldus Seminarii Præfectus, & Imbertus primus Congregationis Assistentis & Seminarii Antissiodorensis Superior, qui Deputatos inducebant, ut peterent, ut

Sæc. XVIII.

A. C. 1721.

in proximis comitiis quicquam de Con-
stitutione ageretur. Utrumque igitur
Generalis a comitiis exclusit, die pri-
ma Julii missis ad eos literis, quas ce-
teri tres Assistentes suo quoque firma-
bant chirographo. Verum Philopal-
dus se nequidem auditum condemnari,
vehementer querebatur. Episcopus quo-
que Antissiodorensis Generalem incre-
pabat, quod se incio Imbertum Sacer-
dotem annis meritisque gravem a Se-
minario suo amovisset. Nihilominus
die prima Augusti comitiis Generalibus
datur initium. Intervenit ipse Papæ
Nuntius, qui fluctuantes consolidare,
ceteros vero in suo proposito firmare
adlaborabat. In prima Sessione discu-
tiendum proponitur, an primum Assi-
stentem excludendi potestas Generali
competeret, omisso tamen hujus quæ-
stionis examine plurimorum suffragia
eo abibant, ut Imbertus a Congre-
gatis vocaretur, de criminibus sibi im-
putatis rationem redditurus. Expe-
diuntur ergo per duos Deputatos ad
illum literæ, ad quas etiam Imber-
tus se die secunda Augusti responsu-
rum pollicebatur; cum autem in sua
responsione palam declarasset, se nun-
quam Constitutionem acceptaturum,
Generalis hujus Viri literas Conventui
exhibere, supervacaneum censebat.

Yy 5

Nun-

Sæc. XVIII. Nuntius vero Apostolicus ante Sessio-
 A. C. 1724. nis exitum omnibus commendabat, ut
 ad Assistentium electionem non proce-
 derent, nisi prius Constitutio ab om-
 nibus fuisset recepta: circa hoc Nuntii
 postulatum opinionum dissensione Con-
 gregati inter se discrepabant, tenui-
 que mutua hæc concertatio integras
 quatuor horas, Italis, Polonis cete-
 risque omnino petentibus, ut Consti-
 tutio ab omnibus *pure & simpliciter* re-
 ciperetur, aliis contendentibus, eam
 non nisi relative ad Franciæ Episcopo-
 rum mentem esse recipiendam: Pro-
 ponuntur diversæ acceptandi formulæ,
 atque inter alias Papæ Nuntius illam,
 qua Constitutio *pure & simpliciter* re-
 cipieretur, approbat, Italisque in-
 jungebat, ut potius e comitiis excede-
 rent, quam in hac formula quicquam
 immutari permetterent. E contrario
 Galli hanc Constitutionem *juxta Regiæ*
declarationem Anno 1720. & secundam
acceptationem ab Ordine Episcopali factam
 recipi petebant: De hac opinionum
 diversitate Bonnetus Generalis per duos
 Deputatos Foro-Juliensem Episcopum
 certiores reddidit, qui hæc verba:
Bullas ab Ordine Episcopali acceptatas in-
feri posse censebat: Altera igitur die
 Bonnetus Generalis omnes Gallos adesse
 jussit, eisque formulam a Nuntio ap-
 probatam

probatam, & alteram cum clausula: Sæc. XVIII. ab Ordine Episcopali acceptatas proposuit; A. C. 1724.
 huic postremæ formulæ una omnes con-
 sensere, excepto Bousqueto Trecensis
 Seminarii Præfecto, qui nullatenus se
 Constitutionem recepturum declarans,
 pœnis in Constitutione interminatis
 sese subjecit. Postquam vero etiam
 Bissyus Cardinalis hanc clausulam addi
 permiserat, imo & ipsemet Nuntius id
 ratum habuerat, sequens acceptationis
 formula a cunctis fuit subscripta: „De-
 „claramus, quod cum profundissima re-
 „verentia & perfecta cordis & animi
 „submissione nos subijcimus omnibus
 „Bullis summorum Pontificum ab or-
 „dine Episcopali acceptis & promulga-
 „tis, & quibus favent ipsa diplomata
 „Regia contra libellum & doctrinam
 „*Jansenii*, quæ incipit *Unigenitus Dei*
 „*Filius*, ideoque acquiescimus & dam-
 „namus librum, cui titulus est: Refle-
 „xiones morales, & centum & unam
 „propositiones ex eo excerptas eadem
 „formâ & sub iisdem qualificationibus,
 „quibus eas damnavit prædictus sum-
 „mus Pontifex Clemens XI. in dicta
 „*Constitutione Unigenitus*.„ Itali tamen
 declarabant, se quidem notam clau-
 sulam non approbare, eidem tamen
 pro bono pacis non oblectari.

In

Sæc. XVIII. In tertia Sessione Bonnetus Genera-
 A. C. 1724. lis, ut menti Pontificis plene satisfacturus, cunctos Missionarios, ac præcipue
 Conventuum Superiores, & Theologie Professores sub pœua privationis ab officio ad acceptandam Constitutionem efficacius obstringere posset, Paolucci Cardinalis literas ad Italicæ Provincie Visitatorem datas prælegi iussit, *hæc* tenoris: „Pontifex decrevit, *hæc*, „si Constitutio in comitiis non recipietur, a Gallis separare, & Congregationi omnia privilegia ab ejus Prædecessoribus concessa revocare, omnes „que subditos Missionarios a suis votis „liberare, junctaque cum Rege opera „omnia Franciæ Seminaria Congregationi auferre. „ Huic quoque mandato, exceptis duntaxat tribus, omnes una voce consenserunt. Postea Biffoni Cardinalis & Foro-Julienfis Episcopi literæ prælegebantur, quibus insinuatum, *cuncta hucusque gesta nullius fore roboris, nisi a cunctis Missionariis Constitutionis subscriptio exigeretur*: Annuentibus igitur viginti duobus Capitularibus decisum, non modo ab omnibus Missionariis, sed & cunctis vel ad S. Ordines promovendis vel ad Congregationem admittendis Constitutionem esse signandam: octo duntaxat e gremio reclamabant, caussati, ejusmodi subscri-

scriptionem Regiæ declarationi esse ad-
versam. Insuperhabita autem horum
oppositione die decima quarta Augusti
hæc decreta fuere condita.

Sæc. XVIII.
A. C. 1724.

I. „R. D. Superior Generalis postu-
„lavit a Conventu, utrum esset decre-
„tum edendum, quo a singulis Congre-
„gationis missionis Presbyteris exigere-
„tur ejusdem submissionis *Bullæ Unigeni-*
„tus subscriptio consona declarationi, cui
„ipsi convocati omnes subscripserunt. „

Et Statutum est eandem subscriptio-
nem exigendam esse a singulis.

II. „R. D. Superior Generalis petivit
„a conventu, an esset prædicta sub-
„scriptio etiam exigenda ab iis, qui
„vel in Ordinibus sacris constituti, vel
„Theologi formati in Congregatione
„recipi postularent, num etiam eadem
„subscriptio esset exigenda a Scholasti-
„cis nostris, antequam ad sacros Ord-
„nes mitterentur, si jam ab ingressu
„non subscripserunt? „

„Decretum est, subscriptionem dictam
„ab iis omnibus, de quibus quæstio pro-
„posita est, esse exigendam. „

III. „Idem R. D. Superior Generalis
„addidit adhuc esse inquirendum a con-
„ventu Generali, an deberent e Con-
„gregatione dimitti, qui tali subscri-
„ptione denegata per sex menses sæ-
„pius moniti, & invitati, ut suas diffi-
„cul-

Sæc. XVIII. „cultates proponerent diluendas, ac
A. C. 1724. „quiescere & subscribere recusarent? „

„Et Statutum est tales pervicaces
„post sex circiter menses e Congrega-
„tione expellendos. „

His ita decretis Bonnetus, ut columniam de Imberto & Philopalmi injuste exclusis a se amoliretur, iudicium desuper a Romana Regularium Congregatione expetiit, hac vero agendi rationem, quam Bonnetus circa eos tenuisset, approbante Generalis decretum hujus Congregationis prælegi iussit. Interim ex Missionariis nonnulli ab hac ipsa Constitutionis acceptatione in comitiis facta appellarunt, & libellum falsitatibus & mendaciis scatentem typis ediderunt, quo comperto Bonnetus ad eos die vigesima septima Septembris scripsit, Bullam hanc juxta Gallicanæ Ecclesiæ morem ab Ordine Episcopali aut saltem Episcoporum potissimis, cunctisque ferme totius Orbis Christiani Episcopis receptam, Regio diplomate munitam, Parlamenti actis insertam, & in hisce comitiis unanimi voto acceptatam fuisse, proin cunctos Christianos & præsertim Missionarios, ut sese hac in re summo Pontifici subjicerent, obstrictos esse, ac Deum nec Generali, nec aliis ejus subditis nec alteri cuicumque docto aut Doctore tantum

momenti definitionem rejiciendi potestatem dedisse; propterea rogare se, ut eorum quilibet rescriberet, an verum sit, quod huic oppositioni subscripserint, sique hoc verum esset, hujus subscriptionis revocationem mox ad suum Superiorem transmitterent, secus promeritis pœnis plectendi: cum autem horum nullus suam appellationem revocaret, Generalis una omnes a Congregationis societate expulit, subscriptisque actis comitia dissolvit. Paulost Opponentes relationem eorum, quæ in his comitiis gesta fuissent, typis ediderunt, quam tamen Regius Senatus die quarta Octobris tanquam *scandalosam, temerariam & declarationi die quarta Augusti Anno 1720. contrariam suppressit.*

§. XLVIII.

Jansenistarum columna ab ipso summo Pontifice explosa.

Inter varias artes, quibus Jansenistæ suos errores & pervicaciam honestare nitebantur, haud infima erat sollicitudo, qua Patronos, eosque summa dignitate, auctoritateque conspicuos suæ factioni conciliare vel falso adscribere nitebantur: Cum ergo Benedictam XIII. doctrinæ Thomisticæ appime

Sæc. XVIII.
A. C. 1724.

*Dorsano
Journal
tom. 2.
pag. 220.*